

# Sünner Klaos

(traditionell)

1.) *Well kump dor mit den groten Sack  
äöwer't smaole Funner?  
He wis't up use witte Dack  
un kump de Gaorn herunner.  
Kinner, Kinner, wäset still  
Sünner Klaos nu kaomen will!  
Krupet achter de Mauder!*

2.) *Well kump dor in de Kägendör  
mit de bunte Mütze?  
He frogg wor't läiwe Kindken wör,  
wat et könn un wüsse  
Kinner, Kinner, kaön ich bä'n?  
Bünn ich immer öndlick wä'n?  
kägen Vaoder un Mauder?*

3.) *Wat schall de Vaoder seggen wall?  
Kann de Kinner praohlen.  
Nu kaomt se ut'n Hauke all,  
mäöt de Händkes faolgen.  
Kinner, Kinner, an't Gebett!  
Un de Lüttken maakt so nett  
Krüß un Vaoderunser.*

4.) *Wat krigg nu Klaos ut sienen Püt?  
Ers ne kruse Barke,  
dann Appels, Küskes un Beschüt,  
luter säüte Warke.  
Kinner, Kinner, frischen Maut!  
Händkes up un Müss' und Schoot!  
Sünner Klaos will däilen.*

5.) *Wat stäck he unner'n Mantel daor?  
Seine grote Pitske.  
„Nu Kinnerkes bis tauken Jaohr!  
Bät un lehrt man nitske!“  
Niklaos, Niklaos, ut de Dör!  
„Niklaos, Niklaos, kum man wär,  
bünn vör di nich bange!“*